

SCRIPT OF MORNING GOJRI NEWS BULLETIN 4NOV 2025 1015HRS

مارننگ گوجری نیوز بولٹن 4 نومبر 2025

یوہ آکاشوانی جموں ہے محمد اشفاق تیں خبر سُنو۔

LG JHIRI MELA

لیفٹیننٹ گورنر منوج سنہا نے اج شمالی بھارت گا سب توں بڑا چڑی میلا گو افتتاح کریں گا جہڑو ہر سال کسان سنت بابا جتو گا اعزاز مانہ منعقد ہون آلو قابل احترام ثقافتی تے روحانی میلو ہے یاد رے جے ہفتہ پھر منعقد رہن عقیدت منداں تے سیلانیان نانہ عاغب کرنے گو اس سلسلہ ماہ انتظامیہ نے ٹریفک طبی امداد تے صفائی سمیت تمام انتظام نانہ حتمی شکل دے دتی ہے واضع رہ جے ثقافتی تقریبیاں واسطے نفل و تفریحی سواری تے مقامی اسٹالز واسطے خصوصی سہولیات انتظامیہ فوج تے نیم فوجی دستا ایک محفوظ تے ہموار جشن نانہ یقینی بنان خاطر سانجہ طورور کم کر رہیاہیں۔

CM MINISTER MEET

سرمائی دارالحکومت جموں مانہ دفتراں گا باضابطہ افتتاح تیں بعد وزیر اعلیٰ عمر عبداللہ نے دربار بدل غے پیش نظر انتظامیہ غی تیاریاں گو جائیزو لین خاطر کونسل گا وزراء تے انتظامی سیکرٹریاں گی ایک میٹنگ کی صدارت کی اجلاس گے دوران وزیر اعلیٰ نے موثر عوامی خدمات کی فراہمی ترقیاتی منصوباں کی بروقت تکمیل تے فلاحی سکیمیں گا موثر نفاذ ور زور دتو۔

ITOO EDUCATION

وزیر تعلیم سکینہ اتو نے اج سیول سیکرٹریٹ جموں مانہ محکمہ سکول تعلیم کی کارکردگی بارے جائیزو لین خاطر ایک میٹنگ کی صدارت کی اجلاس گے دوران سرکاری سکولان مانہ تعلیمی معیار نانہ بہتر بنان خاطر مرکزی سکیمیں تے بنیادی ڈھانچہ گا منصوباں کی پیش رفت بارے جائیزو لیو گیو۔ انہاں نے عوامی فنڈ گو شفاف تے موثر استعمال تے منصوباں کی بروقت تکمیل کاری ور زور دتو اس دوران وزیر موصوفہ نے دیہی علاقہ مانہ اسکولان گا بنیادی ڈھانچہ کمپیوٹر لیب تے اُساتزہ گی تربیت کاری ور توجو دتی انہاں نے سی ای اوز نانہ ہدایت جاری کی جے وے طلباء نانہ متعلقہ ڈائریکٹر کی پیشگی اجازت تیں بغیر کسے وی سرکاری تقریب مانہ نہ چلاویں۔

REVISED DATESHEET

جموں کشمیر سکول تعلیمی بورڈ نے 11 نومبر نانہ نگر وٹہ تے بڈگام مانہ اسمبلی انتخابات گے پیش نظر 10 ویں جماعت گا سالانہ ریگولز امتحانات 2025 نانہ ملتوی کر گے نویں تاریخ گو اعلان کیو ہے نویں طہ شدہ تاریخ غے مطابق ووکیشنل سبجکٹ گو امتحان 6 نومبر نانہ رکھیو گیو ہے جد کہ سائنس گو امتحان 13 نومبر نانہ، اردو، ہندی 17 نومبر تے کمپیوٹر سائنس، غا امتحان نانہ 19 نومبر نانہ رکھیو گیو ہے تے اس

تیں علاقہ انگلش گو امتحان ہُن 20 نومبر نانہ وے غو، ہوم سائنس گو 23 نومبر تے دیگر، سبجکٹ جسران کہ کشمیری، ڈوگری، پنجابی، سنسکرت 24 نومبر نانہ جد کہ، میوزک 25 نومبر نانہ تے سوشل سائنس گو امتحان 26 نومبر نانہ لیو جے غو، اس تیں بعد پینٹنگ، آرٹ، ڈرائینگ غا امتحان وغیرہ 27 نومبر نانہ کرایا جیں غا طلبہ نانہ صلاح دتی ہے جے وے دوہرائی گئی ڈیٹ شیٹ نانہ مدنظر رکھیں۔

JAMMU HOMESTAY

جموں محکمہ سیاحت نے ایک نویں پہل گے تحت کہر گا مالکاں نانہ مدعو کیو ہے جے وے اپنا کران نانہ ہوم سٹے یعنی مہمان نوازی واسطے درج کراویں۔ جہڑا اکثر اپنا کران نانہ مہمان خانہ گا طور و رو پیش کریں تانجے اس ثقافت نانہ بہتر طریقہ کار سنگ اگے بدھایو جے، اس پہل گو مقصد مسافراں نانہ جموں کی قدرتی خوبصورتی مقامی ذریعہ تے روایات گو مستند تجربو فراہم کرگے مقامی سیاحت نانہ فروغ دینو ہے واضع رہ جے دلچسپ مکان مالکاں زمین کی ملکیت یا لیز تے گنباں گا افراد کی فہرست عمارت کی تصویر کریکٹر سرٹیفیکیٹ تے ادھار کارڈ سمیت دستاویزات جمع کرگے درخواست دے سکیں اس سلسلہ مانہ اندراج کران واسطے تم سیاحت بارے ڈائریکٹریٹ جموں مانہ رابطو کرسکیں یا 1800-890-8457 ور کال کرگے پتو لاسکیں۔

DENGUE CASES DROP

رہائشیاں واسطے ایک بڑی راحت گے پیش نظر جے ایم سی کمشنر دیوانس کمار نے دسیو جے اس سال ڈینگو گا معاملہ مانہ 66 فی صد غی کمی آئی ہے انہاں نے محکمہ صحت گا ملازماں کی اس بارے انتھک کوششاں کی تعریف کی ہے تے اس سلسلہ مانہ انہاں نے شہریاں نانہ اپیل کی جے وے اس مثبت رجحان نانہ برقرار رکھن خاطر جموں کشمیر نانہ ڈینگو توں محفوظ رکھن خاطر احتیاطی تدابیر اختیار کریں۔

GST HEALTH CARE

نویں جی ایس ٹی اصلاحات گے تحت حکومت نے صحت کی دیکھ بھال گا شعبہ مانہ ٹیکس مانہ نمایان کمی کی ہے ضروری ادویات ور جی ایس ٹی نانہ 12 فی صد توں کہٹ کرگے 5 فی صد کیو گیو ہے جد کہ 33 دیگر ضروری ادویات نانہ اس دائرہ تیں باہر رکھیو گیو ہے جس سنگ دائمی تے شدید بیماریاں گا علاج نانہ مزید سستو کیو گیو ہے اس تیں علاوہ طبی آلات جن مانہ گاج، بینڈیج، ڈائگناسٹک کٹ تے تھرمومیٹر نانہ 12 فی صد توں کہٹ کرگے 5 فی صد سلیب مانہ رکھیو گیو ہے۔ اس مانہ مزید یوہ کے صحت تے زندگی بارے انشورینس جیسی پالسیاں نانہ بالکل ٹیکس توں باہر کیو گیو ہے تانجے مریضاں ور مالی بوج نانہ کہٹ کیو جے۔
